

# Manmin nga mga Balita

NO. 61 ENERO 3, 2016



## Mensahe sa Senyor Pastor Alang sa Bag-ong Tuig 2016

“Bangon, sidlak kay miabot na ang imong kahayag, og ang himaya sa Ginoo nagdan-ag na ninyo. Tabonan sa kangitngit ang kalibotan, og ang katawhan tikyopan sa kangiob. Apan ang Ginoo mosidlak kanimo, og makita diha kanimo ang iyang himaya. Ang kanasoran moduol sa imong kahayag, og ang mga hari moduol sa lamdag sa imong kahayag” (Isaias 60:1-3).

Mahal nga kaigsoonan diha ni Kristo, atong pasalamatan og himayaon ang Dios nga nitukod sa Manmin Central Church og nigiya ining simbahana sa tinguha nga makabaton og daghang tinuod nga mga anak aron makig ambit sa Iyang gugma sa kahangtoran.

Tuig 2015, maoy ika 33 nga tuig sa simbahan, ang Dios nihatag nato ining 4 ka prayer titles: “Glory, Fruit, Beautiful Sanctuary, og Power of Recreation.” Iya kitang gipanalanginan aron makapamupu sa hingpit nga bunga pinaagi sa pag kab-ot sa hustisya pinaagi sa dakong sakripisyo. Labaw sa tanan, ining adlaw sa pasko, daghang magtotoong nakighiusa sa magbalantay. Andam na sila karong maka pamunga og daghan og moadto sa kamot sa Ginoo sa Iya unyang pagbalik sa ika duhang higayon. Halleluyah!

Karon atong tan awon ang 2016 prayer titles nga gihatag sa Dios para sa atong simbahan.

**Una, kini ‘God-loved Church’ nga puno sa miyembrong anaay bunga sa kahayag.**

Efeso 5:9 mabasa, “...kay ang bunga sa kahayag mao ang kaayo, katarong, og kamatuuran.” Ang simbahan nga gihigugma sa Dios nga mao ang Kahayag katong puno sa mga anak nga naay bunga sa Kahayag. Ang mga miyembro sa Manmin nabag-o pinaagi sa sakripisyo sa magbalantay diha sa probidensya sa Dios og nanglimbasog aron maabot ang dughan sa Ginoo nga mao ang Kahayag. Apan aron kompletong maangkon ang bunga sa Kahayag, kinahanglan imong tumanon ang tanang kamaayo, kamatarong og ang matuud.

Aron maangkon ang bunga sa

tanang kamaayo, kasilagi ang daotan og palayasa ang tanang matang sa daotan. Apan kuwang pa kini; kinahanglan aktibo ka nga mag praktis sa kamaayo og isakripisyo ang kaugalingon. Aron makab-ot ang bunga sa pagkamatarong, imo gyod tumanon ang Pulong sa Bibliya uban sa pagsalig sa Dios og uban sa espirituwal nga pagtoo. Og ang bunga sa kamatuuran imong maangkon kon ikaw pirmanenteng magbaton sa kamaayo og katarong nga imong gipili diha sa imong kaugalingong kabubuton.

**Ika-2 mao ang ‘Simbahan Magagiya sa Tanang Katawhan sa Tanang Nasod ngadto sa Kaluwasan’ uban ang panabot sa dughan sa Dios.**

1 Timoteo 2:4, “Buot sa Dios nga maluwas ang tanang tawo og mahibalo sa kamatuuran.” Ang Dios nga mao ang gugma, gusto nga ang tanang tawo sa kalibotan maluwas, makasulod sa Langit, makakab-ot sa dughan sa Ginoo, og mahimong tinuod nga anak sa Dios nga mosilak sama sa adlaw didto sa nindot nga puloy-anan sa langit, ang New Jerusalem.

Kon moabot ang panahon sa ting ani, ang mag uuma mo lain sa uhot og lugas, ang lugas dad-on sa kamalig. Sa samang paagi ang Dios usab nag alima sa katawhan ining kalibotana sa dugay nang panahon aron ang katong mga anak nga sama sa lugas makasulod sa Langit. Apan ang magtotoong sama sa uhot dili maluwas. Kining naghinapos nga panahon nga naghitak ang sala og daotan, buot sa Dios nga ang tanang tawo sa tanang nasod maluwas. Mao nga Iya kining giandam simbahana. Og buot Niyang maghimo og mga miyembro sa simbahan nga motubo sama sa lugas.

Sa espesyal nga probidensya sa Dios, kining simbahana natukod, mao nga wala gyod ko mohunong pag ampo og paghago para sa kaluwasan sa kalag sugod pa niadtong pag abli sa simbahan. Ako mag ampo sa ngalan sa Ginoo nga ikaw magagiya usab og mga kalag ngadto sa kaluwasan pinaagi sa hingpit nga paghiusa sa magbalantay og pagsalig.

**Ika-3, kini ang ‘Santuwaryo nga Punong Himaya sa Dios’ tungod sa balaang mga anak.**

Salmo 37:6 “Padan agon niya ang imong kaayo sama sa kahayag sa adlaw, og ang imong pagkamatarong sama sa udtong tutok.” Ang Dios angayang himayaon, og Siya mahimaya kon ang Iyang pinangga nga mga anak magdayeg Niya uban ang pagtoo. Og gantihan Niya kini og dakong mga panalangin. Sa kadaghang tawo sa espiritu og nagka daghan ang pagka tibuok sa espiritu, ang kasilaw sa himaya ining simbahana nagka grabi. Og ang kasaysayan sa Manmin nga nagpakita sa himaya sa Dios maoy motugot sa pagtukod sa Canaan Sanctuary og sa Grand Sanctuary.

Ang Manmin nangandam ini sulod sa 33 katuig, og labi na gyod sa milabay’ng 5 katuig, ang mga miyembro sa simbahan nibarog sa ligdong nga pagtoo og nakaabot sa espiritu og sa tibuok espiritu. Ako maglaom nga ikaw labaw’ng mainiton uban ang determinasyon nga maka angkon og katungdanan alang sa Grand Sanctuary era.

**Ang ika-4 nga titulo mao nga, ‘Simbahan uban ang walay pu-as nga Gahom’ nga maoy motuman sa probidensya sa Amahan.**

Salmo 62:11 mabasa, “Sa makausa nag ingon ang Dios; kaduha ko kini madungog nga ang gahom iya sa Dios.” Ang Dios Makagagahum naay gahom nga walay katapusan. Ang simbahan nga naay gahom nga walay katapusan nagpasabot nga kining simbahana magpakita sa walay pu-as nga lihok sa gahom sa Dios kay ang gahom sa Dios walay katapusan.

Kini mahitungod sa lihok nga ikapakita pinaagi sa 100% nga gahom sa re-creation sa atong ika tulong hut-ong. Pinaagi ining gahoma, kita maka angkon unya sa daghang bunga. Ang Dios nigiya nako aron ma kompleto ang hingpit nga gahom sa re-creation, og usab nag andam na daan sa pinansyal nga panalangin. Iya usab gigiyahan ang atong mga pastor, trabahante, og mga miyembro nga makasakay sa baha sa tibuok espiritu og gipalambo pagdali ang ilang pagtoo.

Sa atong ika-3 hut-ong, sa gipasabot sa ngalan nga ‘Manmin’ (tanang tawo sa tanang nasod), kita magagiya sa daghang kalag ngadto sa kaluwasan sa lainlaing lihok og paagi. Sama sa tubig nga nilukop sa dagat, kita makapakita sa gahom nga walay katapusan aron ang himaya sa Dios hingpit nga molukop sa kalibotan.

Para sa atong 10,000 ka mga sanga og nakig ubang simbahan, sa mga pastor og mga kaigsoonan ni Kristo, ako mag ampo sa ngalan sa Ginoo nga sa tuig 2016 ikaw makatuman sa imong katungdanan isip kahayag og asin bisan asa ka paingon, isabwag ang kahumot ni Kristo, maka angkon og hingpit nga bunga sa Kahayag, og maghimaya sa Dios.



Senyor Pastor Dr. Jaerock Lee

“Apan ang Espiritu naghatag sa gugma, kalipay, kalinaw, pailob, kaluoy, kaayo, pagka maminatud-on, pagka mapaubsanon, og pagka mapugnganon sa kaugalingon. Kining mga butanga wala mahisupak sa bisan unsang balaod.” (Galacia 5:22-23)

Katong midawat ni Hesu Kristo isip ilang Manluluwas nakadawat sa gasa sa Espiritu Santo og matawo pag usab isip anak sa Dios. Og sa ilang pagpakabuhin pinasubay sa tinguha sa Espiritu, nga mao ang pagsunod sa matuud pinaagi sa giya sa Espiritu Santo sila maka angkon sa bunga sa Espiritu Santo.

Karon atong tan-awon ang bunga sa kalipay.

### 1. Bunga sa kalipay: mao ang pagmaya sa tanang sitwasyon

Ang espirituwal nga kalipay dili lang ang pagmaya. Bisan ang dili magtotoo malipay kon sila naka eksperyensya og nindot, apan kini makadiyut ra. Kon sila mag atubang og kalisdanan, ang ilang kalipay og kasadya mawala. Apan kon kita maka angkon og bunga sa kalipay nga usa sa bunga sa Espiritu, mahimo kitang magmaya og magmalipayon sa tanang matang sa sitwasyon o panghitabo.

1 Tesalonica 5:16-18, “Pagmalipayon kamo kanunay. Pag ampo sa tanang panahon og pagpasalamat kamo bisag unsay modangat kaninyo. Kini mao ang kabubut-on sa Dios nga buhaton ninyo sa ngalan ni Kristo Hesus.” Ang paglipay permi og pagpasalamat sa tanang butang maoy espirituwal nga kalipay.

Ang kalipay maoy usa sa sukdanan sa pagsusi kon kita naa ba sa maayong Kritohanong kinabuhin. Ang ubang tawo malipay og magmaya sa tanang higayon tungod kay naa ang Ginoo sa ilang kinabuhin. Apan naa say daw matinguhaong kinabuhin diha sa pagtoo, apan walay igong kalipay o pasalamat gikan sa sulod sa dughan. Ila lang gihimo

ang katungdanan nga gihatag sa Dios sama nga nagbuhat sila sa ordinaryong responsibilidad. Og kon mag atubang og kalisdanan, mawala ang kalinaw sa hunahuna og ang ilang dughan nagkurog sa kahadlok. Mo awahag ko nimo sa pagsusi kon kinasingkasing ka ba nga malipay kon ikaw mag atubang og kalisdanan.

Gani ang grasya sa kaluwasan sakto na kaayong rason aron sa paglipay kanunay. Kon maghunahuna ta nga naluwas sa kalayo sa impeyerno og makaadto sa Langit kini igong rason sa walay takus nga kalipay. Ang kalipay sa ‘unang gugma’, sa atong pagdawat sa Ginoo, bililhon kaayo kini. Bisan pag wala tay pagkaon ugma, o bisan pag kapoy ta, naa gihapon ang mga pagdayeg sa atong ngabil. Bisan pag kita gibiyabiay o nag antos tungod sa Ginoo, malipayon gihapon kita sa paghunahuna sa Langit.

Sa pagka tinuod dili daghan ang nakabaton ining tinuod nga kalipay sa dughan sa unang gugma. Sa paglabay sa panahon kining kalipaya mawala, og bisan pag ang maong tawo maghunahuna sa grasya sa kaluwasan, lahi gyod ang iyang gibati kaysa una. Sa pagsugod sa kalisdanan, manghupaw na og magbakho. Ngano man? Tungod kay naa ang pagka tawhanon sa ilang dughan. Ang ilhanan sa ‘pagka unodnon’ mao ang pagkausab. O ang nagbahang kalipay sa usa ka higayon, apan mausab ra sad dayon og kanang maong kalipay mahanaw.

### 2. Aron makabaton og bunga sa kalipay

#### 1) Atong palayason ang unodnon

Kon ang uban napanalanginan og gidayeg, kon wala tay pagka unodnon dili ta ‘masina og masuya’ malipay sad ta nga samang kita ang napanalanginan og gidayeg. Apan kon naa nato ang pagka unodnon, masuya dayon og masina dili komportabl kon ang uban nagmaya. Mawala nato ang kalipay og ma dismaya tungod kay nibati og kaubos.

Og kon wala sad nato ang pagka unodnon nga gitawag og ‘kasuko’ og ‘kapungut’, naa nato kanunay ang kalinaw bisan pag kita wala ayoha pagdala o bisan pag nag antos o nawad-an. Masuko ra ta og madismaya kon naa nato ang pagka unodnon. Og tungod ini bug-at ang atong dughan. Masakitan ta og makabati nga biktima kon maghunahuna nga nag atubang og kadaot kompara sa uban.

Mao kana nga kon naa nato ang unodnon dili ta makabaton og espirituwal nga pagtoo. Mao nga mas mabalaka pa

hinuon imbis mosalig sa Dios. Katong naay mga negosyo mas molambo sa tanang butang uban ang nagbahang grasya kon sila klarong makabati sa tingog sa Espiritu Santo. Og sa pag sunod ini. Apan kon naa nila ang kahangol, dili makapailob, unodnon hunahuna, sila magkalisod gyod. Kon unsa kadaghan ang pagpalayas nato sa pagka unodnon, ingon usab kadaghan ang espirituwal nga kalipay og pasalamat ang moabot kanato.

#### 2) Atong sundon ang tinguha sa Espiritu Santo sa tanang butang

Dili nato pangitaon ang kalipay ining kalibotana, apan atong pangitaon ang kalipay nga dala sa Espiritu Santo nga gikan sa taas. Atong mabati ang kalipay og kapuno sa Espiritu kon ang Espiritu Santo nga naa nato magmaya. Atong maangkon ang kalipay labina gyod og kita magsimba sa Dios, mag ampo Niya, magdayeg Niya nga kinasingkasing og mag praktis sa Pulong sa Dios. Kon atong mabantayan nga kita nausab diha sa matuud, grabi ang atong klipay og pasalamat.

Sa matag adlaw, mahimo kang makapili sa tinguha sa Espiritu Santo og sa tinguhang unodnon. Kon imong perming pilion ang tinguha sa Espiritu Santo, ang Espiritu malipay diha kanimo, og ikaw mapuno sad sa kalipay. Sa 3 Juan 1:4 mabasa, “Wala nay labaw nga makalipay kanako kay sa balita nga ang mga anak ko magkinabuhin sumala sa kamatuoran.” Sama sa nahisulat, ang Dios malipay kon ikaw mag praktis sa matuud, og Siya mohatag nimo og kalipay diha sa kapuno sa Espiritu.

Pananglitan ang tinguha alang sa imong kaugalingong binipisyo og ang tinguha alang sa binipisyo sa uban mag abot og kini magpadayon, sa kataposan mawad-an ka og kalipay. Kon imong sundon ang unodnon og imong tinguhaon ang kaugalingong binipisyo, dili ka makabaton og espirituwal nga kalipay, bisan pa og imong nakuha ang imong gusto sa makadiyot. Dili sad mahimutang ang imong hunahuna. Sa laing bahin, kung imong buhaton ang paghatag og binipisyo alang sa ubang tawo, bisan og mura ka og na alkanse, naa kay kalipay nga gikan sa taas tungod kay ang Espiritu Santo nalipay. Kato lang naa ining kalipaya ang makasabot sa maong pagbati. Kini ang kalipay nga dili mahatag sa kalibotan.

Mao usab sa tawo nga naanad mo husga sa uban og mo sugod siya pagsabot sa ubang tawo uban ang kamaayo, iyang maangkon ang kalinaw tungod kay maayo ang iyang gihunahuna. Kon kita

‘magpakamatay’ matag adlaw sa ingon ani nga paagi aron ang ubang tawo ma komportabl, atong ma eksperyensya ang kalinaw og kalipay. Dugang pa, ang kining maong kalipay og kalinaw imong permi ma tagamtaman tungod kay imong gikuha ang pamati nga naay tawo sa imong duol nga lahi nimo og personalidad. Sa imong pagsigi og sunod sa tinguha sa Espiritu Santo, ang imong espirituwal nga kalipay magtubo og ang imong dughan mausab ngadto sa matuud. Tungod imong maangkon ang bunga sa kalipay, naa say espirituwal nga kamaya sa imong nawong.

#### 3) Atong itanom ang liso sa kalipay og magpasalamat gyod

Ang mag uuma kinahanglan magtanom og mag trabaho aron makapamupo sa bunga. Mao sad, aron makaangkon sa espirituwal nga bunga sa kalipay atong tan-a won ang mga butang nga ikalipay og angayang ikapasalamat, og magpasalamat ngadto sa Dios. Kon naa tay pagtoo, naay daghang butang nga angyan pasalamatan matag adlaw.

Una, naa tay’ kalipay sa kaluwasan nga dili mabaylo sa bisan unsa. Og ang maayong Dios atong Amahan. Siya mag protekta sa Iyang mga anak nga nagpakabuhin sa matuud og mo patalinghog sa atong gipangayo. Dugang pa, kon atong batonan ang Sabbath og mag hatag sa tibukok ikapulo dili ta mag atubang og mga kalisdanan og aksidente sa tibukok tuig. Kon imong batonan ang Iyang mga sugo og matitud-anon Niya nga dili magpakasala, imong maangkon ang daghang grasya.

Bisan og moabot ang kalisdanan, nahibaw ka unsaon pag sulbad. Kung nakahimo ka og kalapasan, imong madawat ang kaluoy sa Dios og madawat ang solusyon. Kung wala kay bisan unsa nga mahimong ikapasangil nimo, labaw kang magmalipayon og magpasalamat.

Kon atong sulayan pagpangita ang mga butang nga atong ikapasalamat, ang Dios mohatag pa nato og labaw’ng mga butang aron kita magpasalamat. Unya, ang atong pasalamat og kalipay magka daghan og sa kataposan, atong maangkon ang bunga sa hingpit nga kalipay.

Mahal nga kaigsoonana ni Kristo, kinahanglan atong maangkon ang bunga sa kalipay aron kita magmaya matag adlaw. Ako mag ampo sa ngalan sa Ginoo nga imo sad maangkon ang tanang bunga sa Espiritu Santo og maglipay sa tanang kalipay nga ihatag sa Dios kanimo sa kahangtoran.

### Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihog sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhin og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

**Manmin nga mga Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 08389  
Tel: 82-2-818-7047 Fax: 82-2-818-7048  
http://www.manmin.org/english / www.manminnews.com  
E-mail: manminen@manmin.kr  
Publisher: Dr. Jaerock Lee  
Managing Editor: Geumsun Vin



# Katong Naka Eksperyensya sa Gugma og Gahom sa Dios

Kon ikaw magpakabuhi sa Pulong sa Dios, imong madawat ang tubag bisan unsa pa ang imong pangayoon, maayo sad ka sa sakit nga walay kaayohan bisan kini dili tambalan medikal, og makalingkawas sa tanang kadaot. Ma protektahan sad ka sa tanang mga sakit, aksidente, og kalamidad ubos sa gugma sa Dios.

## “Malipayon Kaayo Ko Karon Sukad nga Naka Dunggog Na”

Naa koy problema sa akong tuo nga dunggan sulod sa 10 katuig, ang doktor niingon nga nawala na ang 40 % sa akong hearing ability. Permi kong dili makasabot sa gisulti sa uban. Naka dungog og nakakita ko nga naay mga miyembro sa Manmin nga nangaayo sa ilang mga sakit sa Manmin Summer Retreat, naglaom sad ko nga makadawat og kaayohan sa Manmin Summer Retreat.

Marso 2015, sa Sunday Morning Service, naminaw ko sa sermon “Whole Tithe og Proper Offerings.” Akong nahunahuna nga wala ko maghatag og tithes sa akong ‘housing mortgage loan’. Nihatag dayon ko og 2,000 euro nga akong gigahin para sa pagbisita sa South Korea sa Summer Retreat. Ni desisyon ko nga mohatag

sa kuwang kon makakuha ko sa installment saving sa sunod tuig.

Agosto 2015, nibisita ko sa Korea aron moapil sa Manmin Summer Retreat 2015, og akong na eksperyensya ang kahibulongang gahom! Sa unang gabii, samtang nagdawat sa pag ampo ni Dr. Jaerock Lee, akong nabati ang kalayo sa Espiritu Santo diha sa akong dunggan og tiyan. Unya, naka dungog na ang akong tuo nga dunggan. Halleluyah!

Karon maka dungog nako sa uban og maka paminaw na og music. Malipayon kaayo ko kay wala na koy problema sa matag adlaw. Akong pasalamat og himayaon ang Dios nga niayo nako.



Decono Fabrice Flandre, 47 anyos, Hainaut Manmin Church, Belgium

## “Naayo ang hubag sa akong tudlo sulod lang sa tulo ka adlaw”

Mayo 2015, nihubag ang ilalum sa akong tuo nga kumagko. Wala gyod maayo human sa usa ka bulan. Sakit kaayo og duga kini. Ni katag sa ilalum sa akong koko og katangalon na kini. Wala gyoy nakaayo nga tambal.

Isip pharmacist nagsuwat ko og resita og nanambal. Ang pagpanghubag nihatag og daghang problema. Pag Hulyo, niadto ko og dermatologist og ang doktor niingon nga i-freezing treatment sobra sa unom kabulan hangtod motubo ang bag-o nga panit. Wala na magsakit, apan dili

nako magamit ang akong kamot sa pag trabaho. Lisod kaayo og nabalaka ko.

Apan ang kahibulongang butang nahitabo nako human makadawat sa pag ampo ni Dr. Jaerock Lee atol sa Manmin Summer Retreat, Agosto 2015. Naa koy nabati ilawum sa koko sa akong kumagko. Ang kugan nangatangal. Sulod sa duha kaadlaw nanga hulog kini og walay nagpabilin. Pinaagi sa pag ampo ni Dr. Lee kompleto ko nga naayo sulod lang sa 3 kaadlaw. Halleluyah!



Deconesa Hyeok Jeong, 51 anyos, Parish 9, South Korea

## “Naayo ko sa Chronic Rhinitis”

Napulo katuig ang nilabay nag antos ko sa rhinitis. Mag pung-ot akong ilong og sa baba nalang mo ginhawa. Permi kong kabsan sa gininhawa og magkaon. Tungod sa akong tingog nga murag naa sa ilong gikan maglisod ko og estorya. Usahay sungugon ko sa mga amigo.

Naa na koy daghang na dungog nga panghimatuud sa mga miyembro sa simbahan nga naayo sa ilang mga sakit apan gibaliwala lang nako. Tinuod mosimba ko, apan mas gusto nako ang mokuyog sa amigo og magduwa. Ang akong pagtoo wala motubo. Apan bisan pa og bata pa ko, wala gipalayo sa Dios ang Iyang mga grasya ngari nako.

Sa wala pa ang Manmin Summer Retreat 2015, gihatag

sa Dios ang kauhaw sa akong dughan. Nag tinguha ko nga moapil sa retret tungod kay kini ang kataposan nako isip estudyante sa high school. Gusto sad ko maayo sama sa uban.

Malipayon kong ni boluntaryo; sayo kaayo ko niadto sa retret, nagdala sa akong bag og lipay kaayo nga nanglimpyo.

Agosto 3, sa dihang nag ampo si Dr. Lee sa mga masakiton, ang dakong kahibulongang nahitabo nako. Sa akong pagdawat sa iyang pag ampo, ang bugnaw nga hangin nisulod sa akong ilong. Ang akong sip-on nawala og naayo ko sa rhinitis. Halleluyah!



Igsoon Taewon Yoon, 19 anyos, 12<sup>th</sup> grader sa Students Sunday School, South Korea

## “Ang Fist-sized Cyst nawala pinaagi sa Gamhanang Pag ampo”

Upat katuig nang milabay, nakabati ko og sakit sa kilid. Nagpa ultrasound ko. Ang doktor niingon nga naay cyst tupad sa akong atay. Og niingon pa gani siya nga usahay mawala ra kini. Ni sugyot siya nga bantayan kini. Human ana, ang kasakit nawala og gibaliwala lang sad nako. Oktobre 2015, ang akong tiyan dili normal. Pag Nobyembre ang cyst nidako sama sa komo og sakit kaayo.

Kaniadto naayo ko sa appendicitis pinaagi sa panyo nga inampoan ni Dr. Lee (Buhat 19:11-12). Gusto sad ko karon nga maayo. Maminaw ko sa mensahe ni Dr. Lee pinaagi

sa GCN (www.gcn.Org) og mo dungan sa pag ampo. Inig sakit, modawat dayon ko sa pag ampo ni Dr. Lee pinaagi sa Automated Response System.

Unya, ang akong tiyan nipula og naay nilihok pag ayo sa sulod. Niadto ko sa kasilyas og daghan kaayong ‘liquid’ nigawas gikan sa akong tiyan. Halleluyah! Karon komportabl nako tungod kay ang cyst nawala na og ang akong tiyan nibalik sa normal. Akong pasalamat og himayaon ang Dios nga niayo nako pinaagi sa gamhanang pag ampo.



Deconesa Byunghee Song, 83 anyos, Parish 21, South Korea

## “Wow! Ang Akong Pagkabuta Naayo og Makakita Nako!”

Niadtong 17 anyos ko, makig away ko sa akong amigo. Naay nihapak nako og iron pipe. Unya, human sa 10 katuig ni hinayhinay og kawala ang akong panan-aw sa wala nga mata og nabuta na gyod ko.

Ang doktor niingon nga ang blood vessel konektado sa panan-aw naputol, og nagsugod na kini og kabuta. Niingon sila nga dili na maayo og ni undang ko sa trabaho, og na balaka pag ayo tungod sa usa nako ka mata. Nagwaldas nalang ko, nag inom, sugal, og namabaye.

Abril 2010, ang akong anak nga naminyo og Korean niingon nga paadtoon ko sa Korea. Pag Septembre 2010, gidala ko sa Manmin Central Church. Naka trabaho sad ko apan bug-at kaayo og nisakit og sugod ang akong likod pag Nobyembre. Unya ni epekto kini sa akong tuo nga paa og dili na nako malihok. Ang hospital niingon nga operahan ko apan kinahanglan ko mobalik sa Mongolia tungod kay ang akong visa mo-expire sa Pebrero 2015.

Sugod ato, motambong nako sa Mongolia Manmin Church. Akong gisusi ang akong kaugalingon matag panimbahon og sa Daniel Prayer Meeting. Akong giampo nga maayo, og ako sad gipalayas ang mga sala og daotan


nga naa sa akong dughan sama sa gitudlo sa Pulong sa Dios. Nagpuasa ko og nag ampo.

Pag Oktobre 31, 2015, ni tambong ko sa Handkerchief Healing Meeting sa Mongolia Manmin Church (Buhat 19:11-12). Si Missionary Potzorig Purub nag ampo nako gamit ang panyo nga inampoan ni Dr. Lee. Akong nabati ang kalayo sa Espiritu Santo sa akong likod og ang kasakit nawala sa akong likod og tuo nga paa og ako nang malihok ang akong paa. Dugang pa, makakita na ang akong wala nga mata. Halleluyah!


Karon makabasa nako og libro. Mura ko og nag damgo lang. Dios ko salamat!



Igsoon Kekesuren, 59 anyos, Mongolia Manmin Church



Sa wala pa ang pag ampo  
Tuo: 0.5/ Wala: 0



Human sa pag ampo  
Tuo: 1.0/ Wala: 0.1

## “Ang Akong Tindahan na Protektahan sa Sunog”

Ang akong asawa og ako nangita sa pulong sa kinabuhi. Samtang pag 2009, among nakita si Dr. Jaerock Lee sa Manmin Central Church sa TBN Russia. Naminaw sad mi sa iyang mga mensahe pinaagi sa website www.manmin.org. Matag Domingo maminaw mi sa live broadcasting service sa Manmin Central Church.

Sa among pagsunod sa saktong dalan sa among negosyo og sa among pagtuman sa Pulong nga nagtudlo sa angayan buhaton og sa dili angayan buhaton, sa pagtipig og sa pagbiya sa mga butang, among nadawat ang daghang grasya sa among negosyo. Karon daghan na ang among tindahan sa Barabashawba Shopping Mall. Nidako sad ang among ikapulo. Sa kalipay nibisita mi sa Manmin Central Church, niadtong Pebrero 2014. Napuno mi sa Espiritu Santo og nalingaw. Bag-ohay lang amo gyod nabati ang dakong gugma sa Dios.

Nobyembre 14, 2015, naay dakong sunog sa shopping mall diin naa ang among mga tindahan. Ang mall naay duha ka dagkong bilding sinumpay kini og taytayan. Grabi kadako ang sunog nga mokatag sa usa lang ka sigundo. Ang ika 2 bilding halos maabo. Ang 150 ka mga tindahan nanga sunog. Ang sunog molabang ngadto sa bilding 1 diin tua ang among mga tindahan. Dali ra

kaayo nga wala gani mi makahunahuna pag kontak sa Central Church sa Seoul. Nag ampo mi, “Dios Amahan, protektahe mi sa ngalan sa magbalantay.”

Og ang kahibulongang butang nahitabo. Bisan kusog kaayo ang kalayo, ang among mga tindahan wala masunog. Ang mga tinda namo wala maunsa. Halleluyah!

Si Senyor Pastor nanghinaot nga ang mga miyembro mahilayo sa kalisdanan, mga sakit, og kalamidad, kami diri sa Ukraine protektado. Akong pasalamat og himayaon ang Dios nga nibag-o sa among dughan uban ang pagkabalaan sa ebanghelyo og nigiya namo sa dalan sa panalangin.



Igsoon Anton Begu og iyang asawa, 40 anyos, Kharkiv, Ukraine



## “Ang Akong Sakyanan Nibalitok, Apan Wala Gyod Ko Maunsa”

Septembre 21, 2015, nag drive ko og nibalhin sa pikas linya. Nahasmag ‘ko sa dako nga truck. Ni untol ang akong sakyanan og nibalitok! Nalagpot ko pagawas agi sa buak nga bintana. Nangabuak ang akong sakyanan, og napisapisa kini.

Bisan pa, wala gyod ko maunsa. Walay makit-an nga ilhanan nga na aksidente ko bisan sa akong gisul-ob og sa sapatos. Mapasalamaton kaayo ko. Gidala ko sa hospital og una sa tanan akong nadawat ang pag ampo ni Dr. Lee pinaagi sa Automated Response Service (822-830-5320). Ang CT og MRI scan maayo ra kaayo.

Kining hitaboa nipukaw sa akong bugnaw nga Kristohanong kinabuhi. Ako sad nahunahuna nga

nibalhin ko sa pikas linya kay buot makaangkon sa kaugalingong binipisyo sa walay pag konsiderar sa uban. Akong pasalamat og himayaon ang Dios nga ni protekta nako ining grabing aksidente og nitugot nga ako maka hunahuna.



Igsoon Elijah Kim, 28 anyos, Daejeon Manmin Church, South Korea

### Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Potato St, J-Figueras Sampaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714